



ESTATUTOS

DE

AMBAR

ASOCIACIÓN AMBAR DAS PERSOAS CON DIVERSIDADE FUNCIONAL

ANO 2018



INDICE

PREÁMBULO	4
-----------------	---

CAPÍTULO I DA ASOCIACIÓN

Artigo 1. Denominación	6
Artigo 2. Personalidade	6
Artigo 3. Domicilio	6
Artigo 4. Duración e ámbito	6
Artigo 5. Misión	7
Artigo 6. Principios e valores	7
Artigo 7. Fins	7
Artigo 8. Medios	8

CAPÍTULO II - DOS SOCIOS

Artigo 9. Socios	9
Artigo 10. Tipos de socios	9
Artigo 11. Socios de Honra e colaboradores	10
Artigo 12. Ingresos e baixas	10
Artigo 13. Procedemento de admisión	10
Artigo 14. Documentos de admisión	11
Artigo 15. Números de socios	11
Artigo 16. Deberes	11
Artigo 17. Dereitos	11
Artigo 18. Réxime disciplinario	12
Artigo 19. Perda da condición de socio	12

CAPÍTULO III - DOS ÓRGANOS DE GOBERNO

Artigo 20. Órganos de Goberno	13
Artigo 21. Asemblea Xeral	13
Artigo 22. Delegación	13
Artigo 23. Participación na Asemblea	13
Artigo 24. Funcións da Asemblea Xeral	14
Artigo 25. Clases de Asemblea e a súa convocatoria	14
Artigo 26. Acordos da Asemblea xeral	15
Artigo 27. Xunta Directiva	15
Artigo 28. Duración da Xunta Directiva.....	16
Artigo 29. Elección da Xunta Directiva	16
Artigo 30. Funcións da Xunta Directiva	17

The image shows several handwritten signatures in blue ink, likely belonging to the members of the Executive Committee, placed over the signatures from the previous page.



Artigo 31. Funcionamento da Xunta Directiva	17
Artigo 32. Comisión Permanente	18
Artigo 33. Comisión de Ética	18
Artigo 34. Presidente	18
Artigo 35. Vicepresidente	19
Artigo 36. Secretario.....	19
Artigo 37. Tesoureiro	20
Artigo 38. Vocais	21

CAPÍTULO IV - DA IMPUGNACIÓN DOS ACORDOS SOCIAIS

Artigo 39. Impugnacións	21
Artigo 40. Recursos	22

CAPÍTULO V - DO RÉXIME ECONÓMICO E FINANCIERO

Artigo 41. Recursos económicos	22
Artigo 42. Cotas	22
Artigo 43. Pago de cotas	23
Artigo 44. Orzamento	23

CAPÍTULO VI - DA MODIFICACIÓN DE ESTATUTOS

Artigo 45. Procedemento de modificación	23
---	----

CAPÍTULO VII - DA DISOLUCIÓN E LIQUIDACIÓN

Artigo 46. Disolución	24
Artigo 47. Comisión liquidadora	24
Artigo 48. Asemblea Xeral no período de liquidación.....	24
Artigo 49. Destino dos bens resultantes	25

A row of five handwritten signatures in blue ink, likely belonging to the members of the assembly or delegation.



PREÁMBULO

A "ASOCIACIÓN AMBAR DAS PERSOAS CON DIVERSIDADE FUNCIONAL" é unha Entidade Sen Ánimo de Lucro de ámbito comarcal, que conta cun grupo social moi amplio e diverso. AMBAR foi fundada no ano 1982 coa razón social de "Asociación de Minusválidos da Barbanza", coa finalidade principal da integración e mellora da calidade de vida das Pessoas con Diversidade Funcional (persoas con discapacidade) de calquera natureza.

Na actualidade, AMBAR apoia e presta servicios a Pessoas con Diversidade Funcional e ás súas familias nos concellos de Pobra, Ribeira, Rianxo, Boiro, Porto do Son, e tamén doutros concellos próximos, colaborando coas entidades públicas e privadas que participan na intermediación das persoas con diversidade e na súa participación económica e social.

Para explicitar a cultura identificativa da Asociación AMBAR definimos e determinamos aquí os elementos que sinalan a razón de ser da entidade, o tipo de organización que queremos e os valores que ordenan a nosa actividade. Mediante a declaración da Misión, a Visión e os Valores da asociación ponse de manifesto a cultura de AMBAR, que persistirá sobre as estratexias e as súas posibles variacións ó longo do tempo.

A misión xurde a partir das razóns e motivos polos que existe a asociación e que suscitan a continuidade, constituíndo a razón de ser de AMBAR.

A Misión de AMBAR é "Promover a independencia, a autonomía persoal e a igualdade de oportunidades das Pessoas con Diversidade Funcional na nosa comunidade"

Mediante a definición da visión expresamos unha imaxe obxectivo que pretendemos alcanzar e que determina o modelo de organización que nos propoñemos chegar a ser, unha aspiración compartida.

Lograr unha comunidade na que as persoas con Diversidade Funcional teñan igualdade de oportunidades, que as súas contribucións sexan valoradas e os seus dereitos respectados.

Para iso AMBAR esfórzase en:

- Sensibilizar e educar en valores.
- Mellorar a accesibilidade universal.
- Aportar servicios para a autonomía persoal e conciliación familiar.
- Posibilitar a vida independente dentro da comunidade.
- Promover o traballo e emprego digno.
- Impulsar a expresión artística e creatividade.
- Facilitar experiencia deportivas, culturais e de lecer.



Os valores que adopta AMBAR para servir de referencia ós distintos actores e clientes da entidade, adecuando e guiando o estilo e a actuación dos componentes da asociación nas relacións internas e externas, son os principios de actuación que guían a nosa labor.

Os Valores de AMBAR son:

- Dereitos humanos e civís.
- Autodeterminación e independencia.
- Empoderamento.
- Axuda entre iguais.
- Participación e inclusión efectiva.
- Diversidade.
- Cooperación e Solidaridade.

A series of handwritten signatures in blue ink, likely belonging to the members who signed the document. The signatures are somewhat stylized and overlapping.



"ASAMBLEA EXTRAORDINARIA 2018"

CAPÍTULO I DA ASOCIACIÓN

Artigo 1 Denominación

Ó amparo do artigo 22 da Constitución, polo establecido na Lei Orgánica 1/2002, do 22 de marzo, reguladora do Dereito de Asociación e pola demais lexislación existente en materia de Asociacións que lle sexa aplicable, así como polo previsto nos presentes estatutos, rexerase a entidade denominada Asociación AMBAR das Persoas con Diversidade Funcional, de agora en diante AMBAR.

AMBAR é o resultado da libre vontade dos seus socios, ostentando a súa representación no ámbito comarcal.

Artigo 2 Personalidade

AMBAR ten personalidade xurídica propia e independente da dos seus socios, e conforme ó artigo 35 e seguinte do Código Civil goza de plena capacidade para ser suxeito de dereitos e obrigas nos termos previstos nestes Estatutos e nas leis.

Artigo 3 Domicilio

O enderezo social de AMBAR a efectos legais, queda establecido na Rúa Castelao, 5 -15940- da Pobra do Caramiñal, A Coruña, teléfono 981-832905, e-mail: correo@asociacionambar.org

Pode ser trasladado a outro lugar por acordo da Xunta Directiva, que poderá decidir así mesmo a apertura de delegacións noutras localidades dentro do seu ámbito de actuacións, e de cantos lugares considere adecuados para o normal desenvolvemento de AMBAR. O traslado definitivo do domicilio social requirirá a ratificación da Asemblea Xeral.

Artigo 4 Duración e ámbito

AMBAR constitúese por tempo indefinido, agás causa legal ou estatutaria de disolución. O ámbito territorial de AMBAR é o da comarca do Barbanza, Porto do Son, Ribeira, Pobra do Caramiñal, Boiro, Rianxo,.. nembargante, previo acordo coas entidades de ámbito superior das que é membro, poderá modifica-lo mesmo, en atención ás necesidades do colectivo de persoas con diversidade funcional.



Ademais poderá pertencer e actuar con outras organizacions de ámbito provincial, autonómico, estatal e internacional.

Artigo 5

Misión

É misión de AMBAR PROMOVER E COORDINA-LA defensa dos dereitos das persoas con diversidade funcional cara á súa plena integración.

Artigo 6

Principios e valores

AMBAR defíñese como unha entidade que carece expresamente de ánimo de lucro, independente e libre, aconfesional, apartidista, non gobernamental, de carácter voluntario, e poderá solicita-la súa declaración de Utilidade Pública.

AMBAR basea a súa actuación nos seguintes principios e valores:

- Democracia interna.
- Solidariedade entre os seus membros.
- Transparencia na xestión e actuación da entidade e os seus socios.
- Defensa das necesidades sociais por encima de intereses particulares.
- Desbotar protagonismos e actitudes competitivas.
- A defensa do colectivo como titulares de dereitos evitando as mensaxes sentimentalistas e asistenciais.

Artigo 7

Fins

Os fins principais de AMBAR son:

1. Defende-la dignidade e os dereitos das persoas con diversidade funcional.
2. Promove-la plena integración escolar, laboral e social das persoas con diversidade funcional.
3. Crea-las condicións para que os socios poidan cumplir axeitadamente a misión.
4. Promover actitudes sociais positivas cara a persoa con diversidade funcional.
5. Promove-la lexislación axeitada que mellore a situación do colectivo.
6. Participar na Orientación, coordinación e impulso do Movemento Asociativo no que estea integrado AMBAR con criterios de solidariedade.



7. Reunir e difundir información xeral e especializada sobre os problemas da diversidade funcional.
8. Representa-los seus socios no ámbito local, provincial, autonómico, estatal e internacional.
9. Desenvolver estratexias solidarias para que se poidan acadar equilibrios interterritoriais en calidade e servizos.
10. Desenvolver programas e actividades, dentro da propia diversidade funcional, dirixidos especificamente á atención da muller.
11. Desenvolver programas e actividades, dentro da propia diversidade funcional, dirixidos especificamente á atención da infancia e á xuventude.
12. Desenvolver programas e actividades, dentro da propia diversidade funcional, dirixidos especificamente á atención das persoas maiores.
13. Desenvolver programas e actividades, dentro da propia diversidade funcional, dirixidos especificamente a calquera outro colectivo en risco de exclusión social.
14. Desenvolver programas e actividades relacionados co fomento e participación do Voluntariado Social.
15. Promover e poñer en funcionamento todo tipo de iniciativas deportivas para persoas con diversidade funcional, priorizando aquelas que impulsen o deporte de base. Para tal efecto, crearse a sección deportiva da asociación, que se rexerá nas súas funcións polo establecido na Lei 3/2012, do 2 de abril, do Deporte de Galicia.
16. Promover e poñer en funcionamiento todo tipo de iniciativas culturais, educativos e de lecer orientadas ás persoas con diversidade funcional.
17. Promover e poñer en funcionamiento todo tipo de programas de cooperación e desenvolvemento no exterior dirixidos ás persoas con diversidade funcional ou en risco de exclusión social.

Calquera outro que, de xeito directo ou indirecto, poida contribuir ó cumprimento da misión de AMBAR ou redundar no beneficio das persoas con diversidade funcional.

Artigo 8

Medios

Para o cumprimento da misión e dos fins, AMBAR poderá:

- a) Organiza-los servizos necesarios de investigación, estudio, programación, información, asistencia técnica, xestión especializada e outros equivalentes que as circunstancias aconsellen, así como actividades, cursos e seminarios sobre diversos aspectos da diversidade funcional.
- b) Promover, facilitar ou utilizar tódolos medios lícitos de información, formación e difusión para dar a coñece-los problemas das persoas con diversidade funcional e o seu entorno.
- c) Incorporarse a federacións, confederacións, asociacións, entidades e organismos de carácter provincial, autonómico, estatal ou internacional que poidan ser de utilidade para acada-los fins de AMBAR.
- d) Establecer un sistema coherente na estructuración do Movemento Asociativo.



- e) Promove-lo Voluntariado e a súa formación para o cumprimento dos seus fins sociais.
- f) Desenvolver actividades e iniciativas, dentro do marco legal, que permita o sostento económico do Movemento Asociativo.
- g) A integración, creación e promoción de centros educativos, ocupacionais, profesionais, residencias, vivendas tuteladas e de protección oficial ou calquera outro centro, que teña unha tipoloxía autorizada por Lei; na que primen a inserción socio - laboral das persoas con diversidade funcional conforme á lexislación vixente.
- h) A promoción de centros laborais, incluídos os centros especiais de emprego; participando, promovendo e creando iniciativas empresariais que primen a inserción laboral das persoas con diversidade funcional, en postos de traballo adaptados ás súas capacidades e en condicións de igualdade, de deberes e dereitos, cos demás traballadores, conforme á lexislación vixente en tódolos casos, priorizando:
 - a) Os Centros Especiais de Emprego dos que a titularidade maioritaria pertenza a unha asociación sen ánimo de lucro e os seus beneficios repercutan integralmente nos propios traballadores persoas con diversidade funcional e/ou na labor social de dita asociación.
 - b) Os Centros Especiais de Emprego que adopten a forma xurídica de Cooperativas ou Sociedades Laborais, sempre e cando os beneficios repercutan integralmente nos propios traballadores do Centro ou nunha asociación sen ánimo de lucro pertencente ó Movemento Asociativo.
- i) Valerse de calquera outro medio lícito que sirva para a realización dos seus fins.

CAPITULO II DOS SOCIOS

Artigo 9 Socios

AMBAR constitúese como unha entidade aberta da que poden formar parte, previa aprobación prevista nos presente Estatutos, tódalas persoas que o soliciten sempre que compartan os principios e fins de AMBAR na defensa da plena integración das persoas con diversidade funcional.

Artigo 10 Tipos de Socios

AMBAR terá as seguintes clases de socios:

- a) As persoas con diversidade funcional maiores de idade e con capacidade de obrar que non estean suxeitos a ningunha condición legal para o exercicio do derecho,



- b) As persoas con diversidade funcional menores de idade, non emancipadas, de máis de catorce anos, previo consentimento, documentalmente acreditado, dos seus pais ou tutores.
- c) Os pais, tutores ou representantes legais en representación dos menores de idade ou incapaces.
- d) Persoas que coa súa traxectoria acrediten unha incidencia importante na consecución do benestar das persoas con diversidade funcional, tendo que vir avalado por dez socios de AMBAR non podendo alcanzar un número superior a un 20 por cento da totalidade dos socios de dereito.

Artigo 11

Socios de Honra e Colaboradores

AMBAR poderá ter Presidente de Honra.

Así mesmo, poderán ser nomeados socios de honra todas aquellas persoas físicas ou xurídicas que se distingan pola súa actuación a favor dos fins de AMBAR e do colectivo que representa.

Os socios de honra non estarán suxeitos ás obrigas establecidas nos presentes estatutos, nin serán titulares de dereitos agás a súa asistencia á Asemblea Xeral Ordinaria con voz pero sen voto

Os colaboradores serán todas aquellas persoas físicas ou xurídicas que desexen colaborar de maneira desinteresada con AMBAR mediante a súa participación ou mediante achegas económicas. Os colaboradores non son titulares de obrigas nin dereitos.

Artigo 12

Ingresos e baixas

O ingreso en AMBAR como socio da mesma será voluntario. A baixa será voluntaria ou forzosa, por causa legal estatutaria. Toda causa de expulsión constará, debidamente acreditada, no correspondente expediente, que non poderá ser resolto sen a audiencia da parte interesada.

Artigo 13

Procedemento de admisión

O procedemento de admisión dos socios será:

- a) Procedemento de admisión será mediante solicitude escrita ou comunicación do interesado dirixida ó Presidente.

10



- b) Presentación da documentación esixida.

Artigo 14

Documentos de admisión

Documentación a presentar pola persoa:

- a) Copia DNI.
- b) Copia do Certificado de Minusvalía.
- c) Copia da resolución xudicial da designación de Titor legal.
- d) Autorización expresa de pais ou titores.
- e) Por aval acreditativo de 10 socios da entidade

A Xunta directiva poderá solicita-la ampliación da documentación que considere necesaria.

Artigo 15

Número de socios

Non se establece un numero máximo de socios de AMBAR.

Artigo 16

Deberes

- 1) Actuar de maneira acorde cos valores de AMBAR e respecta-la dignidade e os dereitos das persoas con diversidade funcional.
- 2) Acata-los acordos validamente adoptados polos órganos de goberno e representación de AMBAR.
- 3) Asistir ás Asembleas Xerais.
- 4) Aportar toda a documentación requirida pola Xunta Directiva
- 5) Contribuír ó sostemento de AMBAR, aportando os medios necesarios de acordo co establecido pola Asemblea Xeral ou a Xunta Directiva.
- 6) Manter absoluto secreto sobre os datos que coñecera como consecuencia da información adquirida en AMBAR.
- 7) Cumpri-lo resto das obrigas que resulten das disposicións estatutarias.

Artigo 17

Dereitos

- A) A participar nas actividades da Asociación e nos órganos de goberno e representación, a exerce-lo dereito de voto, así como asistir á Asemblea Xeral, de acordo cos Estatutos.



- B) A ser informado acerca da composición dos órganos de governo e representación da Asociación, do seu estado de contas e do desenvolvimento da súa actividade.
- C) Participar nos programas e iniciativas que sexan impulsados ou coordinados por AMBAR , nas condicións que establezan os seus órganos de governo.
- D) Utiliza-los servizos de toda índole que se creen en AMBAR
- E) A acceder a toda a documentación da Asociación nos termos previstos na Lei Orgánica 15/1999 de protección de datos persoais
- F) A ser apoiados por AMBAR nas iniciativas que se crean oportunas.
- G) A impugna-los acordos dos órganos da Asociación que estime contrarios á Lei ou ós Estatutos .
- H) A ter copia destes estatutos
- I) A recibir información sobre os acordos adoptados polos órganos da Asociación.
- J) A ser oído con carácter previo á adopción de medidas disciplinarias contra el; a ser informado dos feitos que dean lugar a tales medidas. A posible sanción, en todo caso, deberá ser motivada.

Artigo 18 Réxime disciplinario

A proposta da Xunta Directiva, a Asemblea Xeral de AMBAR establecerá un Réxime Disciplinario que regule o procedemento e as sancións que poidan imponerse ós socios que vulneren os presentes Estatutos e as decisións dos órganos de governo.

Artigo 19 Perda da Condición de socio

Poderá perderse a condición de Socio de AMBAR por:

- a) Decisión Voluntaria, manifestada por escrito.
- b) Por causa ou disposición legal.
- c) Por expulsión, a causa de:
 - Incumprimento grave do previsto nos presentes Estatutos.
 - Reiterado incumprimento dos acordos adoptados polos Órganos de Gobierno.
 - Desenvolver unha actuación prexudicial e grave para os intereses de AMBAR.
 - Non poñer a disposición de AMBAR a información ou documentación requirida polos Órganos de Gobierno.

12



- Utilizar medios, para a obtención de fondos, que atenten contra a dignidade das persoas con diversidade funcional, ou non permitan o control da recadación, custos e destino dos beneficios obtidos.

A expulsión como socio de AMBAR só poderá producirse previa audiencia do interesado e terá efectos definitivos a partir do momento no que se produza o acordo por parte da Asemblea Xeral levando aparellada a perda de tódolos dereitos derivados da condición de socio.

CAPÍTULO III DOS ÓRGANOS DE GOBERNO

Artigo 20 Órganos de Goberno

AMBAR rexérase polo sistema de autogoberno e o principio de representación, a través dos seguintes órganos:

- Asemblea Xeral
- Xunta Directiva

Artigo 21 Asemblea Xeral

A Asemblea Xeral é o máximo órgano de governo de AMBAR e estará integrada por:

- Os socios de AMBAR con voz e voto.
- Tódalas persoas componentes da Xunta Directiva da Asociación . O Presidente e o Secretario da Xunta Directiva o serán da Asemblea Xeral.

Artigo 22 Delegación

A asistencia e participación na Asemblea Xeral son indelegables, agás que unha asemblea extraordinaria convocada ó efecto, estableza un réxime distinto.

Artigo 23 Participación na Asemblea

- Tódolos socios de AMBAR terán dereito a voz e voto.

13



Non poderán ser membros da Asemblea Xeral todas aquelas persoas que directamente, ou indirectamente mediante o seu cónxuge ou relación análoga, parentes por consanguinidade ou afinidade ata o segundo grao inclusive, estean relacionadas con Centros Especiais de Emprego con Ánimo de Lucro ou calquera outra actividade profesional, empresarial ou industrial que puidese dar lugar a un conflito de intereses.

- Poderán asistir ás reunións da Asemblea, previo acordo da Xunta Directiva, con voz e sen voto, e a título de invitados, todas aquelas persoas que se considere poidan aportar xuízos ou informacións técnicas útiles e importantes para as decisións deste órgano.

Artigo 24

Funcións da Asemblea Xeral

Serán funcións da Asemblea Xeral:

1. Coñecer e aproba-los Plans de Actuación de AMBAR.
2. Aproba-los orzamentos de ingresos e gastos, de cada exercicio, a conta de liquidación de tales orzamentos e a disposición de bens. Así mesmo, examinar e, no seu caso, aproba-lo balance de situación de cada exercicio.
3. Fixar, a proposta da Xunta Directiva, as cotas de calquera tipo que deban aboa-los diversos socios.
4. Examinar e, no seu caso, aproba-la Memoria que cada ano deberá presenta-la Xunta Directiva.
5. Establece-lo réxime disciplinario.
6. Adoptar resolución sobre os asuntos que figuren na Orden do Día ou que se susciten co apoio dos dous terzos dos votos presentes.
7. Aproba-la modificación de Estatutos.
8. Ratifica-la expulsión de socios de AMBAR.
9. Ratifica-la composición da Xunta Directiva de acordo co previsto nestes Estatutos.
10. Dirimir toda diferencia ou discrepancia que xurda entre un ou máis socios e calquera órgano de AMBAR, como igualmente as cuestións que xurdan sobre a interpretación destes Estatutos ou dos acordos adoptados polos distintos órganos de AMBAR
11. Acorda-la disolución de AMBAR.

Artigo 25

Clases de Asemblea e convocatoria

A Asemblea Xeral reunirase ordinariamente, durante o primeiro semestre de cada ano, e extraordinariamente sempre que o acorde a Xunta Directiva ou o soliciten un mínimo

Handwritten signatures of the members of the AMBAR Board of Directors, including Pedro Pérez, María José González, and others, along with a large, stylized signature at the bottom right.



do 25 por cento dos socios de AMBAR. Neste caso deberá convocarse no prazo máximo dun mes.

Na convocatoria constará, en todo caso, a orde do día acordada pola Xunta Directiva na que, no seu caso, deberán incluírse tódolos asuntos propostos polo 25 por cento dos socios que solicitaran a asemblea. A convocatoria comunicarase ós socios de AMBAR cunha antelación mínima de quince días, por correo ordinario.

Artigo 26

Acordos da Asemblea Xeral

A Asemblea Xeral quedará validamente constituída, en primeira convocatoria, cando concorran na mesma a metade máis un dos seus socios e, en segunda convocatoria, calquera que sexa o número de socios asistentes. Entre a primeira e segunda convocatoria deberán mediar, como mínimo, media hora.

Os acordos adoptaranse por maioría de votos. Os acordos relativos á disposición ou enaxenación de bens inmobles, modificación de estatutos e disolución de AMBAR, requirirán a celebración de Asemblea Xeral Extraordinaria e os acordos, para ser válidos, deberán ter, polo menos, o voto favorable dos dous terzos dos votos asistentes.

De toda a Asemblea Xeral levantarase acta no libro correspondente e nela farase consta-lo número dos asistentes, os asuntos tratados e os acordos adoptados, indicando os votos a favor, en contra, abstencións e votos en branco e particulares. Para que os acordos sexan firmes e executivos, a acta deberá estar subscrita polo Secretario e o Presidente.

As certificacións de tales actas, así como os testemuños dos acordos nelas contidos expediranse, cando proceda, coa firma do Secretario e o visto bo do Presidente.

Artigo 27

Xunta Directiva

A Xunta Directiva é o órgano de administración, xestión e representación de AMBAR.

A Xunta Directiva estará composta polos seguintes membros:

- Presidente/a
- Vicepresidente/a
- Secretario/a
- Tesoureiro/a
- Vocais, nun número nunca inferior a catro (4).



Para ser membro da Xunta Directiva é requisito indispensable a acreditación da súa condición de socio. Así mesmo deberán cumplir los requisitos exigidos para ser membro da Asemblea Xeral.

- Os cargos da Xunta Directiva serán gratuitos, sen prexuízo do dereito a ser indemnizados polos gastos que lles ocasionen o cumprimento das súas funcións, previa aprobación dos mesmos e xustificación documental.
- Non obstante, do disposto no parágrafo anterior, as persoas membro poderán recibir unha retribución adecuada pola realización de servizos diferentes ás funcións que lle correspondan como persoas membro dos órganos de goberno. As condicións laborais e salariais deberán ser postas en coñecemento e aprobadas pola Xunta Directiva.
- Tódolos membros da Xunta Directiva terán voz e voto neste órgano, non podendo exercer votos delegados. En caso de empate nas votacións, o Presidente poderá exercer un voto de calidade.

Artigo 28

Duración da Xunta Directiva

- Os componentes da Xunta Directiva serán elixidos por un período de catro anos.
- Si se produce a metade máis un de baixas na Xunta Directiva, esta deberá convocar inmediatamente Asemblea Xeral Extraordinaria para proceder a cubrir las vacantes producidas.
- Mientras o número de baixas non sexa inferior a metade máis un, os membros cesantes, serán substituídos na primeira Asemblea Xeral Ordinaria ou Extraordinaria, mientras tanto as vacantes poderán ser cubertas provisionalmente por designación da Xunta Directiva.

Artigo 29

Elección da Xunta Directiva

A elección e nomeamento da Xunta Directiva realizarase en Asemblea Xeral Extraordinaria convocada ó efecto:

- Composición das candidaturas:
 - Estarán constituídas polo menos nun 75 por cento por persoas con diversidade funcional ou representantes legais.
 - Deberán ir presididas necesariamente, por unha persoa con diversidade funcional ou representante legal.



- As candidaturas serán presentadas en listas pechadas e elixidas por maioría absoluta. No caso de presentarse máis dunha candidatura, será elixida a máis votada.
- As votacións serán a man alzada, a non ser coa maioría dos asistentes da Asemblea solicite o voto secreto.
- Os cargos da Xunta Directiva serán nomeados e ratificados na mesma Asemblea.

Artigo 30

Funcións da Xunta Directiva

Corresponde á Xunta Directiva:

- 1) Executa-la política de AMBAR e os acordos adoptados na Asemblea Xeral.
- 2) Administra-lo patrimonio de AMBAR.
- 3) Decidir sobre a realización de programas que vaian a ser executados ou coordinados dende AMBAR.
- 4) Admitir os socios que soliciten a admisión en AMBAR e acorda-la suspensión temporal dos dereitos dun socio.
- 5) Determina-la orde do día da Asemblea Xeral.
- 6) Cubrir, con carácter provisional, as vacantes que se produzan na Xunta Directiva.
- 7) Nomear presidente e socios de honra, así como admiti-los colaboradores.
- 8) Facultar, por medio de poderes ás persoas que estime axeitado.
- 9) Preparar cants documentos deban ser aprobados pola Asemblea Xeral.
- 10) Formular ou decidir sobre calquera asunto de competencia e interese de AMBAR e que non estea reservado legal ou estatutariamente á Asemblea Xeral.
- 11) En xeral, todas aquelas actividades ou acordos que redunden no beneficio de AMBAR dos que deberá dar conta á Asemblea.
- 12) Resolver, na arbitraxe de equidade ou por mediación, as controversias que poidan existir entre os socios de AMBAR. Esta actuación poderá ser efectuada por si ou por delegación, designando unha comisión a tal efecto, que poderá estar integrada por persoas que non formen parte da Xunta Directiva.
- 13) Interpreta-los presentes Estatutos.

Artigo 31

Funcionamento da Xunta Directiva

A Xunta Directiva reunirse, polo menos, unha vez cada trimestre ou cando o decida o seu Presidente por si ou a petición do vinte por cento dos seus componentes.



"ASAMBLEA EXTRAODINARIA 2018"

O cargo de directivo osténtase a título persoal, polo que, cando non sexa posible a asistencia, só poderá delegarse a representación noutro membro da Xunta Directiva no caso da asistencia a actos da entidade.

A convocatoria das sesións, que comprenderá en todo caso a orde do día correspondente, será feita polo Presidente da Xunta Directiva ou persoa en quen delegue, coa antelación mínima de sete días salvo caso de especial urxencia. A composición da orde do día das sesións corresponderá ó Presidente, a proposta do Secretario, quen terá en conta, no seu caso, as peticións dos demais membros.

Cando o estime oportuno a Xunta Directiva ou o Presidente, poderán acudir á reunión da mesma persoas non pertencentes a ela con carácter de asesores.

Artigo 32 Comisión Permanente

Poderá crearse unha comisión permanente que terá a misión de exercer cotiamente e de maneira máis áxil o goberno de AMBAR. A composición da mesma será establecida por acordo da Xunta Directiva.

Artigo 33 Comisión de Ética

Crearase unha Comisión de Ética composta por persoas pertencentes ou non a AMBAR, designadas por la Xunta Directiva.

Terá como finalidade a de velar porque as actuacións, tanto de AMBAR, como as dos seus socios a título individual sexan éticas, non irregulares e lícitas (eliminación de prácticas comisionistas, dobres financiamentos ou financiamentos irregulares, etc). Esta comisión non terá carácter executivo.

Artigo 34 Presidente

Son funcións do Presidente:

1. Representar oficialmente a AMBAR.
2. Convocar e presidi-las reunións da Asemblea Xeral e da Xunta Directiva.
3. Nomear a calquera persoa como Asesor, que serán ratificados pola Xunta Directiva, e de asignarlle as tarefas axeitadas e coa obriga de informar á Xunta



Directiva, das recomendacións e informes deses asesores. As resolucións de calquera asesor non son vinculantes en ningún caso.

4. Permitir ou non, a presenza de invitados nas reunións da Xunta Directiva e nas Asembleas Xerais, tanto Ordinarias como Extraordinarias.
5. Ordena-los pagos con cargo ós fondos de AMBAR. Leva a sinatura social conjuntamente co Secretario ou o Tesoureiro.
6. A retirada dos fondos de AMBAR depositados en entidades bancarias para o que precisará a sinatura do Secretario ou do Tesoureiro.
7. Autorizar coa súa firma as actas das reunións da Asemblea Xeral e a Xunta Directiva.
8. Velar pola execución dos acordos adoptados na Asemblea Xeral e na Xunta Directiva.
9. Subsribir contratos en nome de AMBAR, outorgar poderes a terceiros, exercitar accións e opor excepcións diante dos órganos da xurisdición ordinaria e especial, aceptar doazóns, legados e herdanzas, aceptar endosos, recibir subvencións e realizar calquera outro acto equivalente de interese ós fins de AMBAR.
10. Coidar do debido cumprimento dos Estatutos, dos fins e principios de AMBAR.
11. Calquera outro de interese para a execución dos Estatutos.

Artigo 35

Vicepresidente

O Vicepresidente substituirá temporalmente ó Presidente nos casos de ausencia ou enfermidade.

Así mesmo poderá asumir todas aquelas funcións do Presidente que este delegue expresamente nel.

No caso de substitución definitiva, esta sería ós efectos tan só de convocatoria de novas eleccións; establecida para un período de tres meses.

Artigo 36

Secretario

As funcións do Secretario son:

- Custodia-los libros, documentos e selo de AMBAR, excepto os libros de contabilidade.

The image shows several handwritten signatures in blue ink. From left to right, there are two sets of overlapping signatures. The first set consists of 'Rafael López' and 'Rosalía Pérez'. To the right of these are two more signatures, one of which includes the number '19' at the bottom right. The signatures are fluid and cursive, typical of personal signatures.



- Leva-lo Libro de Rexistro de Socios.
- Redacta-las actas das Asambleas Xerais e da Xunta Directiva.
- Librar certificacións con referencia ós Libros e documentos de AMBAR co visto e prace do Presidente.
- Constituír e retira-los depósitos, abrir contas e retira-los fondos, sendo necesaria a sinatura do Presidente.
- Prepara-los puntos que teñen que tratarse nas Asambleas Xerais, enviaranse as Actas e a Orde do Día con quince días de antelación como mínimo.
- Responsabilizarse, xunto co Presidente, do debido cumprimento dos Estatutos e dos fins e principios de AMBAR.
- A organización dos servizos técnicos de AMBAR.
- Impulso e control do funcionamento de AMBAR.
- A representación xurídica diante de todo tipo de instancias públicas e privadas, e de carácter administrativo e xudicial, por delegación do Presidente.
- Responsabilizarase de arquivos, ficheiros, así como do bo funcionamento das tarefas administrativas, en xeral, de AMBAR.

Artigo 37

Tesoureiro

As funcións do Tesoureiro son:

1. Custodiar e levar libros de Contabilidade.
2. Comunicar inmediatamente á Xunta Directiva o incumprimento ou irregularidades que se poidan producir nos cobros, pagamentos e, en xeral, na xestión económica de AMBAR.
3. Custodia-los fondos de AMBAR, respondendo das cantidades das que se fixera cargo, conservando na caixa os fondos que a Xunta Directiva estime necesarios para o normal desenvolvemento de AMBAR. Para dispoñer dos fondos de AMBAR, necesitará da sinatura do Presidente.
4. Farase cargo das cantidades que se ingresen en AMBAR, arquivando os libramientos que se fagan efectivos cos seus xustificantes.
5. Constituír e retira-los depósitos, abrir contas e retira-los fondos, sendo necesario a sinatura do Presidente.

20



6. Elaborará os presupostos anuais e fará previsións de futuro.
7. Cobrará as cotas dos socios.
8. Solicitará as subvencións oficiais, públicas ou non, que se acorden periodicamente.

Artigo 38

Vocais

As funcións dos vocais son:

1. Asistir ás reunións da Xunta Directiva.
2. Ostenta-la representación da Xunta Directiva nas comisións que se poidan formar para cumpri-los fins que marcan os Estatutos.

CAPÍTULO IV

DA IMPUGNACIÓN DOS ACORDOS SOCIAIS

Artigo 39

Impugnacións

1. As impugnacións que se formulen respecto das convocatorias, tanto da Asemblea Xeral como da Xunta Directiva de AMBAR, poderán realizarse con carácter previo a estas cando se trate de cuestións relacionadas coa propia convocatoria ou coa competencia dos asuntos propostos na orde do día e, salvo que o Presidente estime a existencia de errores ou vicios que poidan motivar a anulación da convocatoria, deberán ser resoltas ó comezo da reunión.
2. Os acordos da Xunta Directiva poderán ser impugnados diante da mesma no prazo máximo de quince días dende que tiveran coñecemento de dito acordo os ausentes na reunión. Aqueles que estiveran presentes disporán do mesmo prazo sempre e cando salvan expresamente o seu voto.
3. Sen prexuízo das impugnacións, os acordos da Asemblea Xeral e da Xunta Directiva son executivos salvo que ditos órganos acorden a súa suspensión.



Artigo 40

Recursos

1. Os acordos adoptados na Xunta Directiva resolvendo impugnacións poderán ser recorribles diante da Asemblea Xeral no prazo de quince días.
2. A impugnación dos acordos da Asemblea Xeral, incluídos os que resolvan impugnacións de acordos da Xunta Directiva substanciaranse diante dos tribunais da xurisdición ordinaria na forma e prazos que a Lei determina.

CAPÍTULO V

DO RÉXIME ECONÓMICO E FINANCIERO

Artigo 41

Recursos económicos

Para atender ós seus fins, AMBAR contará cos recursos seguintes:

1. As cotas que satisfagan os socios, si se establecen.
2. As subvencións, doazóns, donativos, legados e herdanzas que se fagan a favor da mesma.
3. Os bens propios, móbiles e inmóveis.
4. O rendemento do seu patrimonio.
5. Calquera outra achega que obteña para ser destinada ó cumprimento dos seus fins.
6. O capital fundacional de AMBAR é nulo, e o presuposto anual non será menor de tres mil euros (3.000 €).

Artigo 42

Cotas

As cotas serán das seguintes clases:

- a) Ordinaria anual, que será satisfeita na proporción que estableza a Xunta Directiva.
- b) Extraordinaria, na que a contía e condicións serán fixadas pola Asemblea Xeral cando as circunstancias o requirran.

22



Artigo 43

Pago de cotas

As cotas deberán ser aboadas no prazo dun mes a partir da aprobación do orzamento anual correspondente, ou ó termina-lo prazo fixado cando foran extraordinarias.

A Xunta Directiva poderá acordar medidas disciplinarias para os socios que, nos prazos previstos no parágrafo anterior, e sen causa xustificada non aboaran as cotas. Así mesmo, quen á celebración da Asemblea Xeral non aboara a cota correspondente ó ano anterior, perderá o seu dereito a voto na mesma. A persistencia na falta de pago das cotas poderá ser causa de expulsión.

Nembargante, a Xunta Directiva poderá outorgar moratorias ou dispensa-lo pago total ou parcial das cotas fixadas nos casos nos que as circunstancias o aconsellen, comunicándose tal decisión á inmediata Asemblea Xeral que se celebre.

Artigo 44

Orzamento

AMBAR funcionará en réxime de orzamento anual. O borrador de orzamento será elaborado polo Tesoureiro, que deberá telo preparado antes do un de xaneiro de cada ano, a fin de que poida ser aprobado na Asemblea Xeral Ordinaria. O exercicio económico coincidirá co ano natural.

Anualmente con referencia ó ultimo día do exercicio económico de cada ano, elaboraranse as contas, que se formalizarán nunha memoria, que será posta a disposición dos socios, durante un prazo non inferior a 15 días ó sinalado para a celebración da Asemblea Xeral ordinaria, que deberá aprobalo ou censuralo.

CAPÍTULO VI

DA MODIFICACIÓN DE ESTATUTOS

Artigo 45

Procedemento de modificación

Os Estatutos de AMBAR só poderán ser modificado previo acordo da Asemblea Xeral, convocada con carácter Extraordinario, por decisión da Xunta directiva ou a proposta da maioría dos socios, mediante escrito razoado dirixido á Xunta Directiva



ESTATUTOS DE AMBAR

"ASAMBLEA EXTRAORDINARIA 2018"

O acordo da Asemblea Xeral Extraordinaria deberá ser adoptado por maioría dos dous terzos dos socios presentes e representados.

CAPITULO VII DA DISOLUCIÓN E LIQUIDACIÓN

Artigo 46 Disolución

AMBAR poderá disolverse por unha das seguintes causas

- a) Polas causas determinadas no artigo 39 do Código Civil.
- b) Por sentencia xudicial firme.
- c) Por vontade dos dous terzos dos socios manifestada na Asemblea Xeral Extraordinaria convocada ó efecto.

Artigo 47 Comisión liquidadora

Acordada a disolución de AMBAR pola Asemblea Xeral ou decidida, no seu caso, pola autoridade xudicial, a Xunta Directiva, constituída en Comisión Liquidadora, procederá á liquidación do patrimonio de AMBAR.

A Xunta Directiva poderá delega-la súa función en tres ou más comisarios elixidos pola mesma entre os socios.

Artigo 48 Asemblea Xeral no período de liquidación

Durante o período de liquidación, a Asemblea Xeral conservará a plenitude de poderes e facultades que tiña con anterioridade ó acordo de disolución

24



Artigo 49

Destino dos bens resultantes

No caso de disolución definitiva, liquidadas tódalas obrigas pendentes que sexan de AMBAR, o sobrante de fondos que resultase pasarán a formar parte do patrimonio da Confederación Galega de Persoas con Discapacidade (CoGaMi) que poderá ceder en uso a aquelas entidades sen ánimo de lucro de persoas con diversidade funcional do País Galego que defendan os principios fundamentais destes Estatutos.

DILIXENCIA: para facer constar que os presentes Estatutos da **Asociación AMBAR das Persoas con Diversidade Funcional**, foron aprobados na Asemblea Xeral Extraordinaria convocada ó efecto, celebrada o día 2 de Xuño de 2018, como se accredita no Libro de Actas da Asociación, e que substitúen ós anteriores estatutos inscritos.

En Pobra do Caramiñal a 2 de Xuño de 2018

Asdo.: Secretario DNI

52.938.12-X

Vº Bº.: Presidente DNI

33243142-T

INSCRIPCIÓN DE MODIFICACIÓN ASOCIACIÓN N° 1982/1201-1

Inscrita a la modificación por resolución do 6.....
de Febreiro.....de 2019.....
soamente para os efectos de publicidade d
conformidade co artigo 22 da Constitución e arti
'6 da L.O. 1/2002

O/A responsable da Revista

25